

Шарма гор

Кузь нэм да бур шуд!



гор

Эжва йывса войтырлөн газет

Петё 1929 восянь

Четверг, 2013 вося июль 25 лун 88 (10675)-өд №

Кокö кутчысян пон кодъ (коми шусьöг)

Эжва йывлөн слава

Николай Александрович Мишарин



Чужис 1937 вося февраль 8 лунö Кулöмдинь.

Лесотехнической техникумын велöдчöм бöрын уджалис Кулöмдинса леспрохозлөн Озъягса лесопунктын, «Усть-Куломлес» комбинатын эмбурöн да техникабн могмöдöм кузя юкöнын, «Усть-Куломской» совхозын. Вöли механикөн да медшöр механикөн Кулöмдинса кылöдчан контораын. Бöрийыисны сиктсöветса депутатöн, народной судö заседательöн, кылöдчан конторалөн коммунистъяс котыкса секретарöн.

Гöтырыскöд быдтис да велöдис кык нылöс. Бур уджсö пасйöма «Уджывса ветеран» медальöн, уна почёт грамотаöн. Олö Кулöмдинь.

ТÖДÖЙ, МЫЙ ВЫЛЫС

КОТЫРТЧИС ОБЩЕСТВЕННОЙ СÖВЕТ

Чукöртчылис «Кулöмдин» муниципальной районса администрациялөн общественной сöвет.

Сийö районса медся водзмöтчысь да пыдди пуктана йöзысь, 18 мортысь. Найö сöветса юралысьöн бöрийсны республикаса пыдди пуктана уджалысь, Кулöмдинысь оланін кутысьяслөн котырон веськöдлысь Александр Иванович Кулясовöс. Вежысьöн да öтпырийö секретарлысь могъяс олöмö пöртысьöн лоис «Челядь творчестволөн Кулöмдин районса керка» учреждениеса директор Оксана Андреевна Тюрина.

Сöветö пырысьяс сёрнитисны на водзын сулалысь могъяс йылысь, вынсьöдисны олöмö пöртангоръяс. Во помöдз шуисны сёрнитны районлөн локтан вося бюджет, туйяс дöзбöритöм да дзоньталöм, районöс социально-экономическöя сöвмöдöм йылысь.

ЗАПТЫСЬÖНЫ КРЕСТЬЯНИН ОВМÖСЪЯС

«Колос» крестьянин овмöс выльлун кежлö заптис нин урчитöм динö 80 процент турун.

Ытшкö Кулöмдиньн да вочасөн новлö Пармаö, кöни овмöсыс.

Ичöт Аныбын «Рассвет» крестьянин овмöс заптис 40 процент. Ытшкис матигöрорысь, петас ылдзык видзьяс вылö. Уджöдö содтöд кык мортöс.

ВЕСАЛИСНЫ ЭЖВА ДОР

Кулöмдинса том йöзлөн сöвет пырöдчис республикаын мунысь «Ювöнь» уджö.

Том йöз мунысны Эжва пöлөн да чукöртисны лөп-өг. Сöмын öти часөн чукöрмис 10 мешöк.

ПОЖÖГДИНСА «ПРОКОПЕЙЛÖН» ФУТБОЛ

Июль 21 лунö Пожöгдиньн сиктса «Прокопей» праздниккöд йитöдын ворсисны футболысь.

Ордйысьöмö пырöдчисны Пожöгысь, Пожöгдинысь, Кекурысь да Ярашьюысь котыргьяс.

Судьяслөн кыккөртöд серти медводзаөн лоис Пожöгса, мөдөн Кекурса, коймөдөн Ярашьюса котыр. Пожöгсаяслы вичмисны вуджан кубок да медальяс. Став ворысьлы сетисны почёт грамотаяс да козиньяс.

КЕРЧОМЪЯЫН ЫДЖЫДАЛИС ТÖВНЫР

Июль 21 лунö 8 час рытын Керчомьяын ыджыд öдөн чардалис да гымалис, кыпалис ён төв, мый вöсна сиктса 24 керкалысь жугöдис вевтсö.

Кодлыськö нуис öти шифер лист, кодлыськö кыкöс, кодлыськö витöс. Шуд вылö, некод эз доймав.

Ыджыд төвныр сідзжö негшкис сюръяяс вылысь проводъяс да колис битöг көкъямыс олан керка. Отсöг вылö Керчомьяö мөдöдöма «Комиэнерго» котырлысь кык бригада.

Асланым да общ. корреспондентъяс, районлөн сайт вылысь.

ВИДЗАМ ПАРМАНЫМÖС

Республикаса пыдди пуктана олысьяс да гöсьтъяс!

Коми республикаса правительстволөн 2013 воын июнь 10 лунся индöдөн июль 12 лунсянь, медым эз лоны öзиймъяс, урчитöма вöрö мунöм да сәни олөм кузя быть вöчанторъяс. Тайö индöд сертиыс оз позь пырны вöрö йöзлы либö транспортлы да нуöдны сәни уджъяс, кодъяс абу йитчöмаöсь вöр öзиймысь видзöмкөд, сийöс дорйöмкөд, быдтöмкөд да дöзбöритöмкөд.

Биысь видзчысян правилöяс торкöмысь мыжаясöс кутасны кыскыны кыккутöмö Российской Федерациялөн законодательство серти.

Аддзаныд кө вöрысь öзийм, юөртöй 8-800-100-94-00 телефон пыр (дон оз босьтсы) либö матысса лесничествö.

Коми республикаса вöр кузя комитет.



Людмила Александровна Тотилайтене 23 во нин уджалö шöр бурдöдчанинлөн клиника лабораторияын. Сыктывкакса медучилище бöрын лаборанталис, öни фельдшер-лаборант.

- Водзти анализъяс видлалим öти аппаратöн, кипомысь. Öни выль оборудованиен видлалам 500-ысь унджыкöс. Анализлөн кыккөртöд серти и бурдöдöны врачяс, оз лэдзны висьöмлы паськавны водзö. Врачьяскöд

ветлам и сикт-посёлокъясö, кор найö видлалöны олысьяслысь дзоньвидзалун, - висьталис Л.А. Тотилайтене.

Аньöс уна вося бур уджысь медицинаын уджалысьяс лун водзын дзоньвидзалун видзöм кузя республикаса министерство пасйис аттьбалан гижöдөн. Таöдз почёт грамотаясөн донъявлисны шöр бурдöдчанін, район.

Гижöд да снимок Марина ДАДАШОВАЛÖН.

КОМИ РЕСПУБЛИКАЫН

КЫЗВЫННАС МОГМÖДÖМА

Главконтроль видзöдлис, эмöсь-ö тырмымөн велöданінгьясын дон босьттöг могмөдан велöдчан книгаяс. Юасисны велöдан управление-яслысь, школаяслысь, бать-мамлысь. Тыдовтчис, мый бюджет весьтö шöркöдя могмөдöма 94,7 процент вылö. Тайö лыдпасыс лöсялö велöдан министерстволөн лыдпаскөд.

Тыдовтчис, мый унджык школаас бать-мам весьтö велöдчан книгаяс оз нёбны. Асьныс найö висьталисны, мый бöръя кык-куим воөн книгаяс вылö сьöм налысь чукöртлисны пыр этшаджык, таво нёбöны сöмын уджалан тетрадыс.

Бать-мамлысь сьöм чукöртöмысь дугöдчöм йитчöма абу сöмын бюджет весьтö унджык книга нёбöмкөд, но и прокуратуралөн да

велöдан юкöнысь видзöдöм да контролирутöм кузя управленийлөн уджкөд, кодъяс öтырышгья зильöны, медым пöртисы олöмö законодательство. Но велöданінгьясөн веськöдлысьяслы сьöкыд: дон босьттöг сетан велöдан книгаяс оз тырмыны сы вöсна, мый бюджетса сьöм вичмөдöны этша.

Кызди висьталисны Главконтрольын, сьöкыд книгагьясысь Сосногорск районьн, кöни бюджет весьтö книгагьясөн могмөдöма сöмын 39 процент вылö. Эмöсь классъяс, кöни бать-мам весьтö нёбöма кызын книгагьясö. Тайö районсыс бать-мам юөртисны республикаса юралысьлөн примитанінö, мый велöдан книгагьяс нёбöм вылö найö чукöртöны таво 1200-1700 шайт.

Лузаберд, Койгорт да Сыктывдин районъяс видзöдлытöмөсь на. Главконтроль ветлас и сэтчö.

Коминформ.

ВЕСЬКÖДÖМ

«Парма гор» газетлөн июль 23 лунся 87-өд номерын «Ва вайöдисны Вильгортö» гижöдын колö лыддыны, мый ва вайöдöм вылö мунöм 930 сюрс шайтысь 600 сюрс шайтсö Помöсдинса овмөдчөминлы вичмөдис районса администрация.